



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**MARTYROLOGIVM.|| DER Kirchenkalen=||der/**

**Canisius, Petrus**

**Dillingen, 1599**

**VD16 M 1284**

27 f Juo Jurist vnd Aduocat der Armen.

**urn:nbn:de:hbz:466:1-41449**

f vj. Calend. Nouembris.

## Der XXVII. tag im Weinm.

**G**ut ist die Vigili vnd gebotten Fastabend der **H.**  
würdigen Aposteln Simonis vnd Jude.

Item in Hispanien/ in der Statt Abula/ das  
leyden der **H.** marterer Vincentij/ Sabine vnd Christe/  
welche vnder dem Gottlosen Pfleger Datiano an einer  
Kam so sehr außgestreckt warden/ daß alle ire glider auß  
einander giengen/ als folgendes ire Häupter auß Stein  
gelegt vnd mit grossen slangen ihre Hirn eingeschlagen  
warden/ haben sie ire marter vollendet.

Anno Dñi  
288.

Item bey der Burg Tille des **H.** marterers Florentij.

Item zu Mecheln die Gedächtnuß des **H.** Bischoffs  
vnd marterers Rumoldi/ von dem weiter am 1. Tag  
Hermonats.

Item in India des **H.** Bischoffs Frumentij/ wel-  
cher auß der Statt Tyro inn Italia geboren/ vnd von  
dem grossen **H.** bischoff Athanasio vnderweisen / vnd  
zum Bischoff gemacht/ mit seinem Bruder Hedysio vnd  
dem Priester Metropio inn das oberst India zoge/ war-  
den erstlich gefangē/ darnach Königliche Dienstleuth/  
vnd endtlich des ganzen Lands Regenten/ welche das  
ganze Oberst India dem Christlichen Glauben vnder-  
warffen/ leucheten in heyligkeit vnd wunderwercken bis  
zum seligen end.

Anno Dñi  
340.

Item in Britannia die erhebung des **H.** vnd be-  
rämpften Beichtigers Iuonis/ welcher ein grosser Do-  
ctor im Rechten / vnd ein fürsprecher der Armen war.  
Sein begräbnuß vnd fürnembste fest wirdt am 19. tag  
May gehalten.

Item

Item der H. Junckfrawen Nictrudis/welliche auch am 12. tag May gesetzt ist.

Item die erfindung des leibs S. Vincentij des Leuiten vnd Marteners/ vonn welchem oben am 22. Tag Jenners weyter.

Item an dem Ort Marcinas genant/ der H. Nictrudis/sampt ihrer Tochter Eusebia.

Item zu Blandinto die ankunfft des Leibs der H. Junckfrawen Amelberge.

Item zu Bericht des H. bischoffs vnnnd beichtigers Amandi/ der an dem Tag Bischoff geordnet / des Leib auch an ein ander ort gefürt sein soll. Gott hat sein leben vnd tod mit wunderzaihen/scheinbar vnd durchlechtig gemacht. Von jm weiter am 6. Hontungs/vnd am 17. tag Wintermonats.

Luce 6.  
Actoz. 1.

g v. Calendas Nouembris.

Der XXVIII. Tag im Weinmo.

**B**est ist das Fest vnnnd Geburtstag der heyligen/ fürtrefflichen vnnnd ehrwürdigen Aposteln / Simonis Cananei/ der auch Zelotes genant/ vnnnd Thadei/ wellicher auch Judas genant wirdt. Diese waren zwen Brüder / vnnnd Maria Cleophe Sün. Nach der Apostel thailung prediget Judas Christus inn Mesopotamia vnd Ponto. Simon aber prediget das Euangelium inn Egypten / kamen darnach hand inn Persien/ beköhreten vnnnd tauffeten innerhalb eines jars den König Xerren / vnnnd vber sechs tausent vnnnd sechzig Mann/ ohn Weib vnd Kinder/ kamen endlich gen Sanir/ köhreten ein bey einem Christen/ mit Namen